



INSTITUT ZA INFORMACIONE TEHNOLOGIJE d.d.Sarajevo
INIT d.d. Sarajevo
S A R A J E V O, Rajlovačka bb
Telefon: 033/754-166, 033/754-129,
e-mail: init@init.ba

INIT d.d. Sarajevo
Rajlovačka bb
71 000 Sarajevo

Sarajevo , 20.06.2022.

U skladu sa članom 41. stav 1. Zakona o preuzimanju dioničkih društava (Službene novine 77/15) i Pravilnika o postupanju kod preuzimanja dioničkih društava (Službene novine Federacije 101/15), objavljuje se:

MIŠLJENJE
o Ponudi za preuzimanje društva INIT d.d. Sarajevo
objavljenoj od strane Bingo d.o.o. Tuzla

Nadzorni odbor i uprava društva INIT d.d. Sarajevo su u cjelosti upoznati sa ponudom za preuzimanje ciljnog društva INIT d.d. Sarajevo objavljenoj od strane ponudioca Bingo d.o.o. Tuzla. Ponuda se odnosi na preostalih 2.937 dionica odnosno 16,7992% dionica, ciljnog društva, koje nisu u vlasništvu ponudioca. Ponuđena cijena po jednoj dionici je 449,00 KM. Ponuda je objavljena u dnevnim novinama „Dnevni avaz“ i „Oslobođenje“ dana 15.06.2022. godine. Rok važenja ponude je 28 dana od dana objave u dnevnim novinama. Plaćanje dionica se vrši preko Registra vrijednosnih papira u roku od 7 dana od dana isteka roka trajanja ponude.

U okviru UPI sistema Sarajevo, Ujedinjena privreda promet i industrija, radila je jedinica UPI BANKA, Počela je era kompjuterizacije. Energoinvest, Sarajevo osiguranje i UPI zajednički su koristili računarske usluge u Energoinvestovoj zgradi na Stupu, 40,20,40 % kapaciteta. 01.10.1977.godine iz UPI BANKE grupa ljudi je prešla u OOUR Centar za obradu podataka i racionalizaciju u okviru RO Institut za istraživanje i razvoj i od tada se firma počinje širiti. 1980.godine je nabavljen u to vrijeme računar i već je tada uveliko počela obrada i razvijanje aplikacija tipa finansija, ličnih dohodaka, osnovnih sredstava, RUR-računarsko upravljanje robama za potrebe UPI sistema. Do 13.12.1982. posluje u okviru RO, 14.12.1982. do 28.10.1990.godine radi pod imenom UPI RO Institut za informacione tehnologije, UPI RO INIT, A od 29.10.1990. do 07.11.1991. posluje kao UPI DP Institut za informacione tehnologije. Od 08.11.1991. do 07.06.2006.godine radi kao Institut za informacione tehnologije. 08.06.2006.godine, pa do danas, radi pod imenom Institut za informacione tehnologije d.d.Sarajevo, INIT d.d.Sarajevo, privatizovano od strane Agrokor d.d.Zagreb – 67% i ostali malih dioničara – 33%. 2004.godine.

Od Agrokor Koncerna d.d. Zagreb, 2019. godine Fortenova Grupa d.d. Zagreb preuzela je 67 % dionica sa pravom glasa.

Kompanija Bingo d.o.o. Tuzla je 2021. godine stekla učešće od 83 % ukupnog broja dionica s pravom glasa u vlasničkoj strukturi društva INIT d.d. Sarajevo, te je trenutno većinski vlasnik ciljnog društva.

Vlasničku strukturu Društva čini 6 dioničara i to:

BINGO d.o.o. Tuzla	83,2008
UEVAK ABDURRAHMAN	14,9002
BAJRAMOVIĆ KEMAL	0,9781
RAKO MIRJANA	0,7093
HALILAGIĆ JASMIN	0,1258
MARIJANOVIĆ IVAN	0,0858

Mišljenje o vrsti i visini ponuđene naknade

Ponudilac svim dioničarima ciljnog društva nudi jednaku cijenu za svaku dionicu, koja zadovoljava uslove Ponude za preuzimanje.

Prema zvaničnim podacima Sarajevske berze / burze, na koju su uvrštene dionice ciljnog društva, u posljednjih godinu dana (u odnosu na datum nastanka obaveze objave Ponude za preuzimanje) dionicama ciljnog društva se trgovalo na Berzi samo jednom i to po cijeni 78,00 KM.

Članom 16. Zakona o preuzimanju dioničkih društava FBiH (Sl. Novine FBiH broj 77/15) propisano je da cijena dionica u Ponudi ne može biti niža od cijena po kojoj je ponudilac stekao dionice u periodu od godinu dana prije nastanka obaveze objavljivanja Ponude za preuzimanje, niti niža od prosječne cijene ostvarene na berzi i drugom uređenom javnom tržištu na koje su dionice ciljnog društva uvrštene u trgovanje u posljednja tri mjeseca prije nastanka obaveze za objavljivanje ponude za preuzimanje.

Stoga smatramo da je cijana ponudna u Ponudi za preuzimanje određena u smislu i u skladu sa odredbama člana 16. Zakona o preuzimanju dioničkih društava i kao takva prihvatljiva imajući u vidu da u posljednjih godinu dana maksimalna cijena bila na berzi 78,00 KM.

Ovo mišljenje se daje u smislu odredbi Zakona i nema značenje, niti se može smatrati investicijskim savjetom za dioničare ciljnog društva, kojima je Ponuda upućena, te dioničari sami, prema vlastitoj procjeni, trebaju donijeti odluku o prihvatanju ili neprihvatanju Ponude.

Mišljenje o namjeri ponuđača u pogledu budućeg poslovanja ciljnog društva i strateškim planovima ponuđača

Ponudilac, Bingo d.o.o. Tuzla, je trenutno većinski vlasnik ciljnog društva. Ponuđač ima namjeru preuzeti vlasništvo nad ciljnim društvom u 100% iznosu. Prema navodima iz Ponude, provođenje Ponude za preuzimanje ima za cilj upravljanje ciljnim društvom u pravcu njegovog daljnjeg razvoja i jačanja, te povećanja poslovne aktivnosti i poslovne efikasnosti, čime se pokazuje strateško opredjeljenje Ponudioca za daljnjim jačanjem, razvojem društva i stvaranjem novih radnih mjesta.

U vezi sa objavljenom Ponudom za preuzimanje, ne očekuju se promjene u vezi sa mjestom / mjestima u kojima ciljno društvo obavlja svoju djelatnost. Osim toga, ne očekuju se negativne posljedice u politici zapošljavanja, niti generalno u pogledu radno-pravnog statusa zaposlenika.

Ponudilac ima namjeru vršiti promjene u vezi sa upravom ciljnog društva.

Izjave članova uprave i nadzornog odbora o njihovoj namjeri da ponudu za preuzimanje prihvate ili odbiju

Imajući u vidu cjelokupnu Ponudu za preuzimanje, te namjeru ponudioca u vezi sa preuzimanjem ciljnog društva INIT d.d. Sarajevo, Uprava Društva i Nadzorni odbor smatraju da je Ponuda prihvatljiva, te istu

podržavaju.

Navodi o postojanju sporazuma sa ponudiocem:

Ne postoje podaci o pregovorima ili sporazumima sa ponudiocem u pogledu preuzimanja.

Konačan stav ciljnog društva u vezi sa objavljenom ponudom za preuzimanje

Prema našem uvjerenju i u skladu sa svim našim saznanjima i podacima kojima raspolažemo, izražavamo pozitivan stav u vezi sa objavljenom Ponudom za preuzimanje ciljnog društva, te obavještavamo dioničare da ovo mišljenje ne prikriva podatke od materijalnog značaja i ne sadrži podatke ni informacije koje bi u pogledu objavljene Ponude za preuzimanje dioničare mogle da dovedu u zabludu.

Uprava:

1. 
Hajrudin Hrustemović, direktor



Nadzorni odbor:

1. 
Senad Džambić, predsjednik

2. 
Damir Kunosić, član

3. 
Saudina Mujan, član

Transakcijski račun: INTESA SANPAOLO BANKA: 154-001-20000288-08
Identifikacijski broj: 4200662020005
PDV broj: 200662020005,
Mat.regist.broj: 65-02-0002-11, Općinski sud u Sarajevu 12.01.2011.godine
Porezni broj: 01632479